

# Koekjes bakke

verhaal Geartsje Douma, yllustrasjes Luuk Klazenga



## Koekjes bakke

Tomke en Yana Yu boartsje yn 'e sânbak.  
 'Romke en ik geane nei de bakker!', ropt Kornelia.  
 'Sille wy koekjes bakke?', freget Yana Yu.  
 'Dan moatte wy earst daai meitsje', betinkt Tomke.  
 'Wêr sille wy dat yn dwaan?'  
 Yana Yu sjocht om har hinne.  
 'Dêr stiet in hiele grutte blompot', seit se.  
 Tomke hellet de blompot op.  
 Se skeppe de pot fol mei sân.  
 'Der moat ek wetter by', fyt Yana Yu.  
 'De wettertonne sit fol!', ropt Tomke.  
 Hy sleept de blompot nei de tonne ta.  
 De pot moat ûnder de kraan.  
 Mar de pot falt om.  
 En it sân rûgelt derút.  
 Yana Yu draait oan it kraantsje.  
 It wetter streamt derút.  
 'It wurdt blabber!', ropt Yana Yu.  
 Yana Yu en Tomke stampe deryn.  
 De modder spat omheech.  
 Op harren fuotten, earmen en holle.  
 Dêr komt Romke oan.  
 'Ha lekker, blabber!', seit er bliid.  
 Syn hûnepoatsjes glydzje troch de blabber.  
 Mei syn fize poatsjes springt er by Yana Yu op.  
 'Nee nee, Romke!', ropt Yana Yu.  
 Se triuwt Romke fuort.  
 En... falt op har kantsje yn de wiete brot.

Kornelia komt troch de túndoar.  
 'Wat sjoch ik! Smoarge barchjes?  
 Hoe komme dy hjir?', seit se.  
 'Wy binne 't!', roppe de bern.  
 'Dogenieten!', bromt Kornelia.  
 'It liket hjir wol in bargehok.'  
 Se pakt de túnslang.  
 Se sputtet Yana Yu, Tomke en Romke skjin.  
 Brrr, wat is dat kåld!  
 Dan sputtet se de tegels skjin.  
 'Sa', seit Kornelia.  
 'Lit jim mar opdrûgje yn de sinne.  
 Ik helje foar ús allegear  
 in gleske drinken én in koekje.  
 Gelokkich ha Romke en ik échte koekjes kocht.'

